

DISPUTATIO MEDICA
INAUGURALIS

DE

A'NOPEEIA.

Q V A M,

ANNUENTE DEO. TER. OPT. MAX.

Ex Auctoritate Magnifici Rectoris

D. PHILIPPI REINHARDI VITRIARII,

J. U. D. ejusdemque Facultatis Professoris Ordinarii.

N E C N O N

Amplissimi Senatus Academici unanimi Consensu,

& Almae Facultatis MEDICÆ Decreto,


PRO GRADU DOCTORATUS,

Summisque in MEDICINA Honoribus ac Privilegiis
ritè ac legitimè consequendis,

Publico examini subjicit

D A V I D F E R R Y, M E T E N S I S.

Ad diem 14. Decembr. horis locoque solitis



LUGDUNI BATAVORUM,

Apud ABRAHAMUM ELZEVIER,

Academiae Typographum. MDCXCIII.

22,480
*Gravissimo, Prudentissimo, Con-
sultissimoque*

V I R O

D: FERRY, J. U. D.
in supremâ Curiâ Metensi Ad-
vocato integerrimo, facundis-
simo, Legum vindici ac asser-
tori acerrimo, strenuissimo,
Parenti meo multis nomini-
bus filiali amore & reveren-
tiâ, ad rogum usque, prose-
quendo



Huncce studiorum suorum
fœtum

offert, vovet, consecrat

DAVID FERRY, Metensis
Auctor & defendens.



DISPUTATIO MEDICA

INAUGURALIS.

DE

A'NOPEEIA.

PROOEMIUM.



agni interesse, si quid peccetur in ventriculi affectibus docet prudens Guil. Ballonius, nec non acutiorum Medicorum praxis; qui in morborum curatione illius robori semper consulunt, hanc microscosmi nostri partem tanquam multarum arumnarum ut & commodorum, fontem intuentes: ac

sanè sicuti hederam sustentant murorum rudera, pariter ab illis conservatur & erigitur, ita ut neutrum sine altero possit existere; ita etiam ventriculus officio suo ritè

fungens, corpus nostrum restituit, ipsius vires auget, functionibus animalibus auxiliatrices manus præbet: ita ut sanguis adsit pro nutritione, spiritus pro sensu & motu, fermentum & calor pro ciborum coctione, tandem ut uno complectar verbo, omnia sana in corpore nostro existunt: contrarium autem evenit, si error aliquis in ventriculo committatur. Ideò consuetudini, quæ in hac Academiâ invaluit, satisfacturus, haud abs re esse judicavi, si Mathematicorum more, qui omnia centro ac spatio circumscribunt, plurimorum morborum originem ex hoc corporis nostri lebate haurirem, & pro Lemmate mea Disputationis A' NOPEZIAN præ aliis mihi eligerem, ac eam, quam penicillo rudiori delineem, sed in omnibus me rebus subicere enixurus, obiter exponerem, fastidiosisque concoctionem, appetitum procurare & conciliare adniterer; à LECTORIBUS BENIGNIS, veniam postens, si omnibus in rebus eorum expectationem non expleam; nec non supremi Numinis præsidium submissè precans, ut & hac quæ nunc sum molitus, & quæ deinceps aggrediar in Sui gloriam, Proximique levamen semper cedant.

T H E S I S I.

O Ordinis gratia, & ne à communi viâ in Medicorum scholis tritâ, deviare videar, initium sum facturus à vocis Etymologiâ: A'vogēla igitur est vox Græca, & quidem composita ex α privat. vepenthetico & ὄρεξις appetitus, hoc est, sine appetitu: Sed ne tempus inutiliter teram ad ipsam morbi definitionem me conferam.

T H E S I S II.

Describitur *Anorexia*, quòd sit appetitus prostratus cum insolito ciborum fastidio fermenti, ventriculi vitio introductus. Malè ergo isti Auctores faciunt, qui *Anorexiam* per fermenti ventriculi depravationem definiunt; magna enim est differentia inter appetitum prostratum, & inter ventriculi depravationem, ista

istâ quidem fermenti depravatio observatur in Picâ & Malaciâ ; Pica enim , quæ nomen suum accepit ab avi admodum voraci , nihil aliud est quàm appetitus absurdus & depravatus rerum insuetarum , Malacia autem est appetitus absurdus rerum consuetarum , sed crudarum ; plerumque in gravidis hic morbus observatur.

T H E S I S III.

Multæ differentiæ appetitûs prostrati ab Auctoribus sunt enarratæ , nempe *Avogēxiā* tanquam supremus : *δυσπεξία* verò tanquam minor gradus ; Prior est quædam species sine nausæâ & abominatione : Posterior est ciborum fastidium. Sed quæso quid opus est entia multiplicare sine necessitate , cùm omnes istæ differentiæ ad *Anorexiam* optimè possint referri. Præterea distinguendum est inter *Anorexiam* & *Dyspepsiam* , in omni *Anorexiâ* est *Dyspepsia* , sed non in omni *Dyspepsiâ* est *Anorexia*. Antequam verò ad causas progrediar , quid sit fames sum explicaturus.

T H E S I S IV.

Describitur fames , quòd sit ordinaria nervorum vellicatio à fermenti ventriculo orta , ita ut spiritus animales versùs sensorium commune determinantur , unde mens ideam famis concipit , atque de cibo sumendo cogitat , qui cogitationis modus appetitûs nomine venit : in fame ergo duæ actiones sunt considerandæ. 1. Actio naturalis ratione causæ stimulantis , quæ consistit in acore fermenti. 2. Animalis respectu perceptionis , quæ fit per spiritus animales , animæ sensitivæ emissarios : ex his satis patet fermentum esse in ventriculo adeò necessarium , ut sine illo nulla adesset fames , nullus appetitus. Illi ergo hallucinantur , qui negant ventriculi fermentum. Sed hoc sufficit de fame. Jam ad signa tam diagnostica quàm prognostica & ad causas varias tam internas quàm externas progrediar.

T H E S I S V.

Causa generalis est defectus vellicationis in sensili stomachi orificio à fermento acido volatili ; quod ansam dedit Helmontio putandi animam nostram in sensili isto orificio sedem habere. Ista autem causa est , vel in orificio stomachi nervoso vel in fermento : Quoad orificium nervosum deficit vellicationis

ſenſus vel ab obſtructione quâdam in pari vago vel ſexto, vel à ſpirituum animalium defectu in corpore; ſic nervi ſive per eſſentiam ſive per conſenſum malè ſe habeant, *Ανορεξία* inferunt.

T H E S I S VI.

Quoad ventriculi fermentum variis afficitur modis, & præterea ordinariò *Anorexiam* inferre ſolet: nam vel planè deficit in ſtomacho, ut videre eſt in febribus; vel quando principiis activis eſt exhaustum, quale in ſenibus ſæpius obſervatur; vel quando à copioſâ materiâ craſſâ, viſcidâ, eſt obrutum; vel quando redditum eſt iners à materiâ pingui. Hæ ſunt præcipuæ cauſæ internæ, nunc ſequuntur cauſæ procatarcticæ, quas nunc ordine clarè & diſtinctè explicabo.

T H E S I S VII.

Cauſæ procatarcticæ ſive externæ potendæ ſunt ex rebus ſex non naturalibus, inter quas primò eſt aër intenſè calidus; qui *Anorexiam* ſolet inferre, & quidem propter duas rationes. 1. Quia à calore pori corporis noſtri valdè aperiuntur, unde multæ particulæ volatiles per iſtos poros avolant. 2. Certum eſt in aëre calido multos ſales volatiles reperiri, qui debilitant fermentum; hinc eſt quòd æſtivo tempore dejectus ut plurimum ſit appetitus, contrà autem tempore hiberno eſt auctus propter particulas acidas, quibus aër eſt imprægnatus.

T H E S I S VIII.

Salivæ defectus appetitum proſternit, quia à ſalivæ defectu alimenta non benè digeruntur, ſaliva autem multum contribuit ad Fermentationem, in ſalivâ enim particulæ acidæ & ſalinæ tam multæ reperiuntur, quæ ab effectu facilè probari & oſtendi poſſunt; nam vi ſuâ acidâ necat araneas, & farinam fermentare facit: unde etiam ex experienciâ notum eſt quòd decem boli benè maſticati, & ſalivali menſtruo humectati, feliciter in ventriculo coquantur, quàm unus non maſticatus: hinc fit ut voraces tot morbis ſint obnoxii.

T H E S I S IX.

Alimenta oleoſa *Anorexiam* producant, ab oleis enim & à pinguedine iners redditur ventriculi fermentum, quia acidæ fermenti particulas involvunt & obtundunt. Hinc *Sennertus lib: 3. Prax: part: 1. Sect: 2. cap: 2.* habet exemplum ex Avicennâ

nâ , de quodam cui per dies decem appetitus fuerit dejectus ex assumptâ librâ unâ olei violacei, in quo cera & adeps dissoluta fuerint.

T H E S I S X.

Cibi quantitate vel qualitate assumpti similiter appetitum prosternunt , quoniam à ventriculi fermento non fuerunt ritè concocti, sed relinquunt copiosam materiam, crassam, atque viscidam , à quâ ventriculi fermentum obruitur, quo minus vim suam acidam exerere possit; unde gulones huic morbo sunt obnoxii, qui se unâ vice plus ingurgitant quàm par est.

T H E S I S XI.

A potu nimio *Anorexia* potest oriri , diluendo fermentum digestivum , in specie seri lactis usus nimius , quia obtundit & temperat fermenti stomachici acrimoniam; tale exemplum habet *Timaeus*.

T H E S I S XII.

Spiritus vini immodicè sumptus ordinariò appetitum prosternit , quoniam fermenti nostri acrimoniam nimis supprimit: cerevisia & potus non benè defœcatus , præsertim illa recentior idem facit, ob fœces & partes crassas.

T H E S I S XIII.

Copiosus fumus tabaci *Anorexiam* adfert , quatenus orificium stomachi insensibile reddit, ob sales volatiles oleosos penetrantes, & ob vim narcoticam & stupefactivam ; Hinc Milites & Nautæ usurpant tabaci fumum pro fallendo appetitu, idem faciunt opiata & narcotica, laudanum opiatum, & omnia ex opio parata.

T H E S I S XIV.

Appetitus noster sæpè prosternitur à medicamentis malè usurpatis , quoniam vel ipsum fermentum enervant, vel alimenta fermentationi inepta reddunt , nempe sunt illa omnia quæ figunt atque incrassant.

T H E S I S XV.

Somnus immodicus *Anorexiam* producit , & quidem propter duas rationes. 1. Quia somnus immodicus potest indicare spirituum animalium defectum. 2. Quia à somno immodico sanguis fit crassior, & per consequens omnes corporis nostri humores

mores fiunt crassi, nam qualis sanguis, tales spiritus, tales humores, tale fermentum.

T H E S I S X V I.

Vigiliæ nimiae appetitum prosternunt, quia reddunt sanguinem crassum ob magnam partium volatilium dissipationem; eadem sunt rationes de motu & quiete in excessu, de suppressis evacuationibus consuetis, & de animi pathematibus ad tristitiam, nam hæc omnia sanguinem crassum & viscosum reddunt.

T H E S I S X V I I.

Non solum *Anorexia* à causis tam internis quam externis jam enarratis, sed aliquando per sympathiam seu per consensum oritur, ut patet in nephritide, ubi nervi mesenterici levi spasmo & convulsione afficiuntur; unde non tantum dolorem excitant, sed præterea sunt in causâ quominus fermenti stomachici vellicatio percipi possit, quia ventriculus multos nervos communes cum nervis mesentericis habet, etiam ab affectibus intestinorum ventriculus valde afficitur: Aliquando calculi ventriculo contenti appetitum prosternunt. Sic *Höfferus in Hercule medico p: m: 137.* subministrat exemplum appetitus prostratiletalis cum nausæa ex calculis duris & copiosis in stomacho reperiatis: Sed ne sum longior ad signa diagnostica & prognostica progrediar.

T H E S I S X V I I I.

Signa diagnostica sunt pauca, nam præcipua per se sunt clara, sed tamen aliquando adest dolor gravativus præcordiorum, imò & acutus; si autem ab humoris pituitosi abundantia oriatur, tunc nausea cum vomitu adest, ructus varii; si autem à cruditate acidâ oriatur, tunc ructus sunt acidi, & nonnunquam molesti.

T H E S I S X I X.

Quoad Prognosin spectat, quemadmodum bona appetentia in omnibus morbis est laudabilis, ut docuit *Hipp. Sect. 2. aph. 33.* Sic etiam inappetentia semper malum est signum, bene etiam *Gal. lib. 1. de Aliment. facult:* dicit sine alimento nec sani nec ægri vivere possunt. Inducere tamen potest atrophiam, lipothymiam, cardialgiam & similia symptomata plura: illa quæ oritur à ventriculi & lienis Schirris est incurabilis. In morbo diuturno cibi fastidium, malum *Hipp. Sect. VII. aph. 6.* In convalescentibus

cibi fastidium recidivam, propter reliquias materiæ morbificæ in-
appetentiam producentes. *River. lib. IX. p. 273.*

THE S I S XX.

Curatur *Anorexia* pro causarum diversitate, tamen communi-
ter per salina & acidâ volatilia solet curari, per omnia stomachi-
ca, ut & vomitoria & purgantia, sed tamen quoniam unum vo-
mitorium plus purgat in stomachi affectibus quàm purgantia, vo-
mitoria purgantibus præferuntur.

THE S I S XXI.

Quando *Anorexia* à copiosâ materiâ, crassâ, viscidâ est orta,
tunc vomitoria sunt adhibenda, talia sunt vinum emeticum
ad ℥j. vel ℥ij. pro delicatis commiscetur cum aquâ Cinna-
moni; Vitriolum Album ℥j. in aquâ card: bened: & aq:
simpl: tartarus emeticus ℥ss cum conserv: rosar: albar:
hæc vomitoria sunt egregia & tuta, sed pro dosibus maximè
attendendum est ad ætatem, sexum, vires, & alia. Pro iis
qui non sunt apti ad vomendum purgantia sunt præscribenda;
aloë admodum convenit tam propter blandam vim purgandi,
quàm propter amaritiem. Aloë lota non debet sumi vide *Hel-*
mont. Pilulæ Francofurtenses conveniunt. *River. lib. ix. p. 273.*
commendat pilulas de hierâ ad ℥ij. vel ℥j mane duabus horis
ante pastum.

THE S I S XXII.

Post vomitoria aut purgantia stomachica sunt adhibenda
qualia sunt menth: absinth: rad: aristol: rotund: centaurium, omnia
aromata conveniunt, qualia sunt cinnam: piper, rad: Zedoar:
& ari dicuntur specificè. *Timæus* commendat essent: panis
cum vino malvatico destillatam, ejus autem spiritus inter stoma-
chica referuntur: vide *Etmull: de fame lesâ p: 99.* *Sylvius in sua*
Praxi p: 118. commendat Sal succini, Sal ammoniacum & ejus
spiritus, hæc quidem possunt convenire, quoniam humores
crassos ac viscidos incidunt. Acidiuscula conveniunt, qualia
sunt succ: citri & aurant: spiritus nitri, spiritus Salis dulc:
aqua prophylactica Sylvii, elixir prop: Paracelsi. In eotamen
debemus attendere, quòd omnia stomachica debeant esse tem-
perata, ne fortioribus remediis calorem vel augeamus vel ex-
tinguamus, & ne fermentum reddatur acrius vel debilius, præ-
stat enim paucâ dosi & per intervalla remedia stomachalia ex-

pro fortibus potius

hibere quàm uno impetu ventriculorum remediorum mole ob-
ruere.

THE S I S XXIII.

Si *Anorexia* à spiritus vini usu nimio oriatur, tunc ut pluri-
mum juvat spiritus acidus dulcis, ut & elixir prop: ritè para-
tum: illa autem quæ est orta à potu nimio vel aquæ vel feri
lactis, vinum generosum parcè exhibitum optimè convenit, si
autem fuerit orta à bile, tunc corrigenda est spiritu salis dul-
cis, vel si magna copia esset in ventriculo per vomitorium est
evacuandum. Si autem à nervorum quâdam obstructione oria-
tur, tunc antiparalytica sunt adhibenda, si autem alia adsint
symptomata specifica sunt addenda.

THE S I S XXIV.

Externè scuta sive stomachalia applicantur, ut cêrotum de
cumino nobilatatum balsamo sulphuris anisato, olibanum, ma-
stiche, nux moschata, caryophilli aromatici, ol: ment: &
similia incorporentur pro scuto & stomachali. *Ermull: de fa-
me lajâ p: 103.* tanquam expertum remedium commendat pel-
lem vulturis in formâ triangulari admotam.

THE S I S XXV.

Diæta qualis esse debeat patet ex antecedentibus, eviten-
tur omnia quæ generant sanguinem crassum, oleosa, aquosa &
fluida in magnâ quantitate assumpta fugienda sunt, vivat secun-
dum rerum non naturalium normam, suppressæ evacuationes
consuetæ arte vel naturâ respondeant, evitentur omnia animi
pathemata. Ut, gaudium, ira, &c.

SOLI DEO GLORIA.

A N N E X A.

I.

Semen virile agit in sanguinem mulieris ut fiat conceptio.

II.

Fœtus duabus est obvolutus membranis, amnio & chorio, tertia in brutis tantum observatur.

III.

Fœtum per umbilicum nutriri probabile mihi videtur.

IV.

Fœtus cogitat in utero.

V.

Essentia animæ est cogitare.

VI.

Anima non est forma hominis.

VII.

Mentis cum corpore conjunctio in reciproca actione & passione consistit.

VIII.

Clara & distincta perceptio nunquam fallere potest.

IX.

Animam esse vel sedem suam habere in glandulâ pineali ut bonus Cartesius affirmo.

X.

Absurdum est dicere, bruta animalia habere animam. habent animam brutarum.

XI.

Inter animam rationalem & sensitivam nullam agnosco differentiam.

XII.

Communicatio nervorum fit solum in cerebro, & in plexibus nervosis.

hanc in quibus consistere non
facile dicitur est.

XIII.

Memoria consistit in quibusdam plicis & vestigiis fibril-
lis cerebri impressis.

XIV.

Nullus naturæ sensus fit sine tactu.

XV.

Motus musculorum consistit in solâ contractione.

XVI.

Diastole seu dilatio musculorum non est motus.

XVII.

Deferri constat. Chylum deferri ad massam sanguineam per vasa meseraica
nego.

XVIII.

Vacuum nihil est: quapropter materiam aliquam subtilem,
omnium corporum spatia replentem, dari necessarium est.

XIX.

Colores non magis sunt in objectis, quàm dolores in cor-
poribus scindentibus.

FINIS.

O R

ORNATISSIMO DOCTISSIMOQUE JUVENI

DOMINO DOMINO

DAVIDI FERRY

Cum post Disputationem Inauguralem acriter
Defensam

D E

ANOREXIA

Omnium applausu Medicinæ Doctor crearetur

Die 14 Decembris Anni 1693.

A K P O Σ T I X I Σ.

Dum	Defendentis	Domini	Descriptionis	Docta,
Attentis	Arridet	Apollinis	Artis	Alumnis;
Ventriculum	Validis	Vitiis	Variis	Violentis
Indicat	Imprimis	Infectum	Insigniter;	Istâ
Doctrinam	Dominum	Dicunt	Docuisse	Disertam.
Hatales.	Hebres	Helici	Hine	Hugabis.
Errantes	Expelles	Expugnabis,	Et	Exin
Pepperient	Papum	Robur	Relevamine	Paro,
Pite	Reviviscunt	Pectè	Pursus	Revalescent
Inde	Innotesces	Infirmis	Inclutus	Ipse.

Posita Amico suavisimo

A Johanne Paulo Gaillardo

Fac. Fil. M. Cand:

A MON-

A MONSIEUR
DAVID FERRY.

Docteur en Medecine, sur
Sa reception.

FERRY je t'ay promis des vers,
Cette promesse m'embarasse;
*Autrefois il est vrai, j'ay grimpé le Parnasse,
Mais ma Muse à present pense tout de travers.
Cette impitoyable mutine
Ne cherche que les champs, n'aime rien que les bois,
Par tout ailleurs elle est chagrine,
Elle est sans vigueur & sans voix.
Cependant cher FERRY, elle s'est mise en tête
De faire un noble effort pour celebrer ta fête,
Et dans cet Auditoire elle vient t'avouer,
Qu'il n'est rien qui ne cede à l'objet qui l'excite,
Et que comme elle doit avouer ton merite,
Après l'Academie elle doit te louer.*

DE LA CONTIE.

Vir-

Virtute & Doctrinâ

Ornatissimo Viro - Juveni

DAVIDI FERRY,

Cùm post dissertationem habitam

DOCTOR MEDICINÆ

Totâ plaudente Coronâ renunciaretur,

Lugd. Bat. die 14. Decemb. Greg. A. vulg. 1693.

P^ræmia larga Rubro grati tribuere Quirites:
Præmia & Albutio cautus Apollo dedit:
Græcia, quas meruit domito Tirinthius apro,
Laudibus Hippocratem tollit ad astra suum.
Dum catus inquiris morborum in semina
FERRY,

Quàm sis Pœoniâ gnarus in arte probas.
Urget amor, pietasque tuos celebrare labores,
Sed jubet insuetam sollicitare Lyram.
Gnato Phœbe, tuâ qui morbos Arte levabit,
Adsis, & studiis præmia digna dato:
Surgite Pierides, numero hunc asciscite vestro;
Alter en Hippocrates, alter Apollo venit.

Ita cecinit L. F. BONETUS

Φιλίαρχος.

Amesbury, N.H. - 1870

DAVID

DOCTOR

of the

Amesbury, N.H. - 1870

Amesbury, N.H. - 1870

Amesbury, N.H. - 1870

Amesbury, N.H. - 1870